

ANGHJULINA

Ci era una volta una donna cù a so figliola; u maritu era mortu, è a figliola era bella. Una bella giuvanotta! Ma, a mamma in la vulia più vede! He andata à truvà i banditi è l'hà dettu:

- Ci hè una persona da piglià. Pigliatevi à Anghjulina è purtatela à tumballa ind'a foresta.....

- E' perchè chi vulete tumbà à Anghjulina ch'hè cun brava?

- O! Un' la possu più vede. Nò! nò! nò! pigliatela pè tumballa.

E'ne chù, i banditi a si n'annu purtata ma, invece di tumballa l'annu messa in casa soia; una bella casa! ci era tuttu. Una bella casa ind'a machja.

U ghjornu i banditi andavanu à travaglia, è ghjurnghjiamu a sera. U capibanditu hà dettu à a giuvanotta:

- Senti, o Anghjuli, in devi apre a porta à nimu! Ch'è tu' in apri a porta!

Ind'u paese di Anghjulina ci era una stria è a stria vò à truvà a mamma è li dice:

- O to figliola in hè micca morta, a sai?

- Tandu tombala! Tombala tu'!

U stria si veste à vecchietta, si ne va in un magazinu, compra fiucchetti è dentelle è parte à pichja ind'è Anghjulina.

Anghjulina si affacca à a finestra; in vulia micca apre:

- Un' vi possu apre, dice.

- Aio', falate o madamicella, è lasciategli entu. Apritemi chi sò morta di fretu. Mi scaldu appinnuccia è po mi ne vò subito subito.

E' stughjulina hè falata. Hà apertu a porta, hà fattu entre a stria è l'ha datu una tazza di caffè.

- O! cumè vo site brava! Chi vi aghji da rigalà pè ringraziarvi?

- Munda! Mm' vogliu munda.

- Mm' libru?

- Nò! nò, nò! Aghji tutti i libri ch'ò vogliu. Mm' mi manca munda.

- Ma stu libru quì in l'avete micca.

E' a stria ripone quellu libru nant'à u carminu è si ne vò.

A sera, ghjungghjenu i banditi:

- Ah ch'aghji capitu! Ai apertu a porta! Mm' vedi micca s'è l'avie toccu u libru!... Insirbalu in tu spetu è mettilu ind'u focu.

In u focu quellu libru ughjulava, ughjulava. Era un libru di stria. Un libru strigatu!

- Ch'è tu in apu più à nimu!

A stria si era avvista ch' stughjulina in era micca morta. Torna à travestiri, compra anelli, pendini, braccialetti è cullane, è si ne vò à pichja ind'è stughjulina:

- Mm' possu apre! Mm' devu apre à nimu!

- Falate è apritemi, o madamicella, chi sò morta di fretu.

Tandu stughjulina fala, apre è li dà una tazza di caffè.

- Chi ricumpensa vi aghji da dà chi site curi brava?

- Munda! Aghji tuttu ciò ch' mi ci vole. Mm' aghji bisognu di munda.

- V' aghji da fisa i capelli?

Tandu stughjulina in hè pussuta stà. Si mette à

pusà nant' à u futtogliu è si lascia fuisà i capelli.

A stria piglia u ferru è chjappa quella bella capillera è gira, è gira, è intorchia ogni mescia di capelli. Tandù stughjulina casca incantata. Parla, in parlava più, ma l'ochji l'avìa aperti. Era incantata.

A stria, piglia è scappa.

A sera, ghjughjenu i banditi. Chi vedenu? Stughjulina era sticchita. M' parlava più, ma stava a ochji aperti. Si mettenu tutti à pienghje.

U lindumane si ne vanu à l'origine di a foresta è li facenu un bellu altare. Pigliamu à stughjulina, a mettenu nantu à l'altare, è a inturmieghjannu di fiori è di candele. Tutte e matine andavanu à incende quelle candele, à illumina l'altare.

Un bellu ghjornu passa u figliolu di u rè. Intrigatu da quelli lumi, pianta è po dice à u so servu:

Quand'ò ti fischeraghju, à tempu ch'è tu' mi senterai da luntanu, ti avvicinerai ..

È u giuvanottu si ne vò veru l'altare. Vede à stughjulina è prova à parlalli:

O madamicella, o madamicella!

Ma quella in rispundia. Avia l'ochji aperti... paria viva, ma in parlava.

U figliolu di u rè fischia, è u servu affacca.

- Te, piglia sta giuvanotta, mettila nant' à u cabiuè è portala in la mio camara. Chjodi à chjave è chi nimu in la vechi. Veneraghju subito anch'eu.

Parte u servu cù a giuvanotta nant' à u cabiuè è a chjode a chjave in la camara di u giuvanottu.

Da tandu, u figliolu di u rè si stava quasi suza manghjà; in escia più, in andava più indocu. Un' volia mancu ch' a sorella intrassi à accucia u lettu.

Un bellu ghjornu, a surella si arvede ch' ci era una giuvanotta nant' à u lettu di u fratellu.

- He' per quessa! disse. Aghju capitu avà, perchè ch' a porta era chjosa, è perchè ella tu' in vulia più ch' o ferri u lettu!

Tandu u fratellu face ente a surella. A surella prova à interrugà a giuvanotta, ma quella in risponde Si avvicina è li tocca i capelli:

- Ma ch' ci ha' in li capelli? Cum'elli so' torti sti capelli! Ci vulera' à chjama' u stazzunaru!

Chjamamu u stazzunaru. Ghjunghe' quellu, cù e so pinze è storce i capelli di a giuvanotta. Eranu torti, torti, torti. In lu mentie ch' u stazzunaru sturcia i capelli, stughjulina rivemia. Quand' ella fu' bella liscia, si hè messa à parla'. Era viva cum' è prima.

U figliolu di u re' si hè maritatu cù stughjulina è anu fattu una grande festa.

Sta fola hè stata conta da
M^{ma} Camilli d'Albertacce (64 anni)
à M^{ma} Marnignon in lu 1958.
A l'avia imparata u so babbu,
Francescu Cesari, pastore à a
Petra.